



# ISTRAŽIVANJE JAVNOG MNIJENJA

Novembar 2006

Istraživanje #08/06.

**Osnovni podaci:**

Geografsko područje: Bosna i Hercegovina  
Period istraživanja: 15.11.2006 – 01.12.2006  
Broj ispitanika: 1 500  
Naručilac usluga: ALDI/Program zagovaranje javnih politika  
Kontakt: [vildana.kadic@aldi.ba](mailto:vildana.kadic@aldi.ba)

---

U drugoj polovini novembra 2006. godine, ALDI je zbog potrebe identifikacije percepcije građana o aktivnostima civilnog društva u procesu kreiranja javnih politika, proveo istraživanje javnog mnijenja o "Rezultatima aktivnosti građanskih pokreta formiranih u prethodnom periodu iz perspektive građana". Osnovni zaključci istraživanja javnog mnijenja dati su u ovom izvještaju. Osnovni zaključak provedenog istraživanja jeste da:

**Većina građana Bosne i Hercegovine smatra da nevladine organizacije imaju kapacitet da pokrenu aktivnosti koje mogu riješiti ključne lokalne probleme sa kojima se građani svakodnevno suočavaju.**

---

Provedeno istraživanje je nastavak sistemskog istraživanja koje provodi ALDI kako bi identificirao mogućnosti za razvoj uloge nevladinih organizacija u procesu kreiranja javnih politika. U ovom segmentu istraživanja, koje je provedeno u novembru 2006. godini nastojala se utvrditi percepcija građana o ulozi nevladinih organizacija u predizbornom periodu, raspoloženje građana za saradnju sa nevladinim organizacijama na rješavanju konkretnih problema, te percepciju kapaciteta nevladinih organizacija iz perspektive građana.

U prilogu istraživanja dat je pregled rezultata istraživanja koje je realizovano u mjesecu novembru 2006. godine.

Za ALDI,

Vildana Kadrić, voditelj projekta

# PREZENTACIJA REZULTATA ISTRAŽIVANJA JAVNOG MNIJENJA

## Metodologija

Tokom mjeseca novembra 2006. godine Agencija za lokalne razvojne inicijative je realizovala telefonsko istraživanje sa ciljem identifikovanja i utvrđivanja stepena percepcije građana Bosne i Hercegovine u odnosu na rezultate rada građanskih pokreta koji u ovom trenutku postoje u Bosni i Hercegovini. Metodološki pristup koji se koristio prilikom istraživanja podrazumijevao je korištenje i odabir jedinice istraživanja na osnovu primjene slučajnog stratifikovanog uzorka. Ovakav pristup utvrđen je u okviru standardnih ALDI pravila za telefonska istraživanja. Kao neposredno sredstvo za evidentiranje stavova ispitanih lica korišten je upitnik koji je sadržavao 3 pitanja.

Istraživanjem je, metodom slučajnog uzorka, obuhvaćeno 1.500 ispitanika iz svih općina/opština BiH, srazmjerno broju stanovnika po općinama/opštinama. Diferencijacija kvalitativnih karakteristika uzorka je slijedeća: U F BiH je ispitano 59,1% od ukupnog broja ispitanika, dok se u RS radi o relativnoj frekvenciji koja ima vrijednost 38,4%, a u BD 2,5 procenata u odnosu na ukupan broj ispitanih lica.

---


## Ključni nalazi:

*P: D Da li ste primijetili povećanje uloge nevladinih organizacija u procesu kreiranja javnih politika u odnosu na proteklu godinu?*

**O: Skoro polovina građana Bosne i Hercegovine smatra da se, u odnosu na prošlu godinu, povećala uloga i intenzitet rada nevladinih organizacija u procesu kreiranja javnih politika**

Prema rezultatima istraživanja, 44,61 procenat građana Bosne i Hercegovine smatra da je došlo do povećanje uloge nevladinih organizacija u procesu kreiranja javnih politika. Sa druge strane 36,63 procenta građana nije uopšte primjetilo povećanje uloge nevladinih organizacija u procesu kreiranja javnih politika u odnosu na godinu dana ranije. Od ukupnog broja ispitanih lica njih 18,76% nije željelo ili nije znalo dati precizan odgovor na postavljeno pitanje. Grafički pregled rezultata dat je na grafikonu broj 1.

Grafički prikaz broj 1: Grafički prikaz odgovora na prvo postavljeno pitanje



Od 44,61 procenta ispitanih lica koja smatraju da je došlo do povećanje uloge nevladinih organizacija civilnog društva u procesu kreiranja javnih politika, njih čak 46,09 procenta smatra da je to zbog inicijativa nevladinih organizacija na nivou Bosne i Hercegovine, kao što su to inicijative GROZD i Dosta!, dok 34,68 procenata smatra da je došlo do povećane uloge nevladinih organizacija na svim nivoima vlasti (i državnim i lokalnim), a 19,24 procenta ispitanih lica smatra da je došlo do povećane uloge nevladinih organizacija u procesu kreiranja javnih politika na lokalnom nivou.


---

*P: Da li smatrate da zajednički sa drugim građanima, organizovano samostalno ili u saradnji sa GROZD-om, možete efikasno uticati na proces odlučivanja u vašoj općini/opštini?*

**O: Građani Bosne i Hercegovine smatraju da u saradnji sa organizacijama civilnog društva mogu efikasnije uticati na proces donošenja odluka na lokalnom nivou**

Prema rezultatima istraživanja, 55,0% ispitanih građana smatraju da mogu efikasnije uticati na proces kreiranja javnih politika na lokalnom (općinskom) nivou, organizovani kao neformalna grupa građana ili u saradnji sa pokretom GROZD i/ili drugim nevladinim organizacijama. Sa ranije iznesenim stavom, ali u manjem obimu slaže se dodatnih 21,9% ispitanih lica. Negativan stav u odnosu na postavljeno pitanje zauzelo je 18,9% ispitanih lica, dok 4,2% nije željelo dati odgovor na prethodno postavljeno pitanje. Grafički pregled rezultata dat je na grafikonu broj 2.

Grafički prikaz broj 2: Grafički prikaz odgovora na drugo postavljeno pitanje



---


*P: Da li smatrate da nevladine organizacije u vašoj općini/opštini imaju kapaciteta da pokrenu konkretnu aktivnost (slično GROZD-u) koje bi mogle imati za rezultat rješavanje nekog ključnog problema?*

**O: Preko polovine građana Bosne i Hercegovine smatra da nevladine organizacije imaju kapacitet da pokrenu aktivnosti koje bi doprinijele rješavanju konkretnih ključnih lokalnih problema**

Prema rezultatima istraživanja, na postavljeno pitanje građanima da li smatraju da nevladine organizacije imaju kapacitet da pokrenu aktivnosti koje bi doprinijele rješavanju konkretnih ključnih lokalnih problema, 52,80 procenta ispitanih lica je odgovorilo potvrdno. Od ukupnog broja ispitanih lica, njih 25,40% smatra

da nevladine organizacije koje već egzistiraju u lokalnim zajednicama mogu doprinijeti rješavanju konkretnih ključnih lokalnih problema, dok 27,40% građana smatra da lokalne nevladine organizacije mogu doprinijeti rješavanju ključnih lokalnih problema u saradnji sa nevladinim organizacijama iz drugih dijelova zemlje. 25,3% ispitanika smatra da nevladine organizacije nemaju kapaciteta da pokrenu konkretnu aktivnost koja bi imala za rezultat rješavanje nekog ključnog problema. Na postavljeno pitanje čak 21,0% ispitanih lica nije znalo odgovor, dok 0,9% nije željelo odgovoriti. Grafički pregled rezultata dat je na grafikonu broj 3.

Grafički prikaz broj 3: Grafički prikaz odgovora na treće postavljeno pitanje



**O projektu 'Nova uloga NVO u procesu dizajniranja javnih politika u BiH':**

Osnovni ciljevi projekta su jačanje kapaciteta NVO za učestvovanje u procesu dizajniranja javnih politika na lokalnom nivou, jačanje svijesti građana o potrebi za kvalitetnijim javnim politikama i jačanje mehanizma lokalnih vladinih institucija za razvoj kvalitetnijih javnih politika. U skladu sa ovim ciljevima realizovano je i ovo istraživanje iz kojeg se može doći do saznanja o stavovima građana o rezultatima rada građanskih pokreta u BiH, te o mišljenju građana o vlastitom učešću u proces kreiranja javnih politika.

Kontakt:

Agencija za Lokalne Razvojne Inicijative

Goražde

Panorama bb.

73 000 Goražde

Tel: 038 227 850; Fax: 038 228 594

e-mail: [aldi@aldi.ba](mailto:aldi@aldi.ba)



Ovaj projekat je podržan od strane Delegacije Evropske komisije u Bosni i Hercegovini.